

素問病機下

素問玄機

劉守真醫書六

新刊素問玄機原病式序

河間處士劉完素守真撰

夫醫教者。源自伏羲。流于神農。注于黃帝。行于萬世。合于無窮。本乎大道。法乎自然之理。孔安國序書曰。伏羲神農黃帝之書。謂之三墳。言大道也。少昊顓頊高辛唐虞之書。謂之五典。言常道也。蓋五典者。三墳之末也。非無大道。但專明治世之道。三墳者。五典之本也。非無常道。但以大道為體。常道為用。天下之能事畢矣。然而玄機奧妙。聖意幽微。浩浩乎不可測。使之習者。雖賢智明哲之士。亦非輕易可得而悟矣。洎乎周代。老氏以精大道。專為道教。孔子以精常道。專為儒教。由是儒道二門之教著矣。歸其祖。則三墳之教一焉。儒道二教之書。比之三墳之經。則言象義理昭然。可據而各得其一意也。故諸子百家多為著述。所宗之者。庶博知焉。嗚呼。余之醫家。自黃帝之後。二千五百有餘年。漢末之魏。有南陽太守張機。仲景恤於生民多被傷寒之疾。損害橫天。因而輒考古經。以述傷寒卒病方論。一十六卷。使後之學者有可依據。然雖所論未備諸病。仍為道要。若能以意推之。則思過半矣。且所述者。眾所習者多。故自仲景至今。甫僅千歲。凡著述醫書。過往古者八九倍矣。夫三墳之書者。大聖人之教也。法象天地。理合自然。本乎大道。仲景者。亞聖也。雖仲景之書。未備聖人之教。亦幾於聖人。文亦玄。奧以致今之學者。尚為難焉。故今人所習。皆近代方論而已。但究其末而不求其本。況仲景之書。復經大醫士叔和撰次遺方。唐開寶中。節度使高繼沖編集進上。雖二公操心用智。自出心意。廣其法術。雜於舊說。亦有可取其間。或失仲景本意。未符古聖之經。愈令後人學之難也。況仲景之世。四升。乃唐宋之一升。四兩為之一兩。向者人能勝毒。及多岐咀湯劑。有異今時之法。故今人未知其然而妄謂時世之異。以為無用而多不習焉。唯近世朱奉議多得其意。遂以本仲景之論。而兼諸書之說。編集作活人書二十卷。其門多。其方眾。其言直。其類辯。使後學者易為尋核施行。如今之用者多矣。然而其間亦有未合聖人之意者。往

往但相肖而已。由未知陰陽變化之道，所謂水極似金，金極似火，火極似水，水極似土，土極似木者也。故經曰：亢則害，承乃制，謂已亢過極，則反似勝己之化也。俗未之知，認似作是，以陽為陰，失其意也。嗟夫！醫之妙用，尚在三墳。觀夫後所著述者，必欲利於後人，非但矜衒而已。皆仁人之心也。非不肖者所敢當其間。互有得失者，由乎言本求其象，象本求其意，意必合其道，故非聖人而道未全者，或盡其善也。鮮矣！豈欲自涉非道而亂聖經，以惑人志哉？自古如祖聖伏羲畫卦，非聖人孰能明其意？二萬餘言，至周文王方始立象演卦，而周公述之。後五百餘年，孔子以作十翼而易書方完。然後易為推究所習者眾，而注說者多。其間或所見不同，而互有得失者，未及於聖，竊窺道教，故也。易教體乎五行八卦，儒教存乎三綱五常。醫教要乎五運六氣，其門三，其道一。故相須以用，而無相失。蓋本教一而已矣。若忘其根本，而求其華實之茂者，未之有也。故經曰：夫五運陰陽者，天地之道也。萬物之綱紀，變化之父母，生殺之本始，神明之府也。可不通乎？仙經曰：大道不可以籌算，道不在數，故也可以籌算者，天地之數也。若得天地之數，則大道在其中矣。經曰：天地之至數，始於一而終於九，數之可十，推之可百，數之可千，推之可萬，萬之不可勝數。然其要一也。又云：知其要者，一言而終，不知其要，流散無窮。又云：至數之機，迫近而微，其來可見，其往可追。敬之者昌，慢之者亡，無道行私，必得天殃。又云：治不法天之紀，地之理，則災害至矣。又云：不知年之所加，氣之興衰，虛實之所起，不可以為工矣。由是觀之，則不知運氣而求醫無失者，鮮矣。今詳內經素問，雖已校正，改誤音釋，往往尚有失古聖之意者。愚俗聞之，未必不曰：爾何人也？敢言古昔聖賢之非？嗟夫！聖人之所為，自然合於規矩，無不中其理者也。雖有賢哲而不得自然之理，亦豈能盡善而無失乎？況經秦火之殘，文世本稀少，故自仲景之後，有缺第七一卷。天下至今無復得其本。然雖存者，布行于世，後之傳寫鏤板，重重差誤，不可勝舉。以其玄奧而俗莫能明，故雖舛訛而孰知之？故近代勅勒孫奇高保衡、林億等校正孫兆改誤，其序有言曰：正謬誤者六千餘字。

增註義者二千餘條。若專執舊本以謂往古聖賢之書而不可改易者。信則信矣。終未免泥於一隅。及夫唐王水次註序云。世本紕繆。篇目重疊。前後不備。文義懸隔。施行不易。披會亦難。歲月既淹。習以成弊。或一篇重出而別立一名。或兩論併合而都為一目。或問答未已而別樹篇題。或脫簡不書。而云世缺。重合經而冠鉞服。併方宜而為效篇。隔虛實而為逆從。合經絡而為要論。節皮部而為經絡。退至道以先針。如此之流。不可勝數。又曰。其中簡脫。文斷義不相接者。搜求經論。有所遺移。以補其處。篇目墜缺。指事不明者。詳其意趣。加字以昭其義。篇論吞併義不相涉。缺漏名目者。區分事類。別目以冠篇首。君臣請問。義理乖戾者。較尊卑增益。以光其意。錯簡碎文。前後重疊者。詳其旨趣。削去繁雜。以存其要。辭理秘密。難粗論述者。別撰玄珠。以陳其道。凡所加字。皆朱書其文。使今古必分。字不雜揉。然則豈但僕之言哉。設若後人或怒王水林億之輩。言舊有訛謬者。弗去其註。而惟攻其經。則未必易知。而過其意也。然而王水之註善則善矣。以其仁人之心。而未備聖賢之意。故其註或有失者也。由是校正改誤者。往往證當王水之所失。其間不見其失。而不以改證者。不為少矣。雖稱正改誤。而或自失者亦多矣。嗚呼。不唯註未盡善。而王水遺移加減之經。亦有臆說而不合古聖之意者也。雖言凡所加字皆朱書。其文既傳乎世。即世文皆為墨字也。凡所改易之間。或不中其理者。使智哲以理推之。終莫得其真意。豈知未達真理。而不識其偽所致也。近世所傳之書。若此說者多矣。然而非其正理。而求其真意。未之有也。但畧相肖而已。雖今之經與註。皆有舛訛。比之舊者。則亦易為學矣。若非全元起本。及王水次註。則林億之輩。未必知若是焉。後之知者。多困之也。今非先賢之說。僕且無能知之。蓋因諸舊說。而方入其門。耽翫既久。而粗見得失。然諸舊失。而今有得者。非謂僕之明也。因諸舊說之所得者。以意類推。而得其真理。自見其偽。亦皆古先聖賢之道也。僕豈生而知之者哉。夫別醫之得失者。但以類推。氣造化之理。而明可知矣。觀夫世傳運氣之書多矣。蓋舉大綱。乃學之門戶。皆歌頌鈴圖而已。終未備其體用。及互有得失。而

惑人志者也。况非其人，百未得於經之一二，而妄撰運氣之書，傳於世者，是以矜己惑人，而莫能彰驗，致使學人不知其美，俾聖經妙典，日遠日疎，而習之者鮮矣。悲夫！世俗或以謂運氣無微，而為惑人之妄說者，或但言運氣為大道玄機，若非生而知之，則莫能學之者。由是學者寡，而知者鮮，設有攻其本經，而復有註說雕寫之誤也。况乎造化玄奧之理，未有比物立象以詳說者也。僕雖不敏，以其志慕茲道，而究之以久，略得其意，惜乎天下尚有未若僕之知者。據乎所見，而輒伸短識，本于三墳之聖經，兼以眾賢之妙論，編集運氣要妙之說，十萬餘言，九篇三部，勒成一部，命曰內經運氣要旨論，備見聖賢經之用矣。然妙則妙矣，以其妙道，乃為對病臨時處方之法，猶恐後學未精貴者，或難施用。復宗仲景之書，率參聖賢之說，推夫運氣造化自然之理，以集傷寒雜病脈證方論之文，一部三卷十萬餘言，目曰醫方精要宣明論。凡有世說之誤者，詳以此證明之。庶令學者真偽自分，而易為得用，且運氣者，得於道同，蓋明大道之一也。觀夫醫者，唯以別陰陽虛實，最為樞要，識病之法，以其病氣歸于五運六氣之化，明可見矣。謹率經之所言二百餘字，兼以語辭二百七十七言，緒歸五運六氣而已。大凡明病陰陽虛實，無越此法，雖已並載前之二帙，復慮世俗多出妄說，有違古聖之意，今特舉二百七十七字，獨為一本，名曰素問玄機原病，遂以比物立象，詳論天地運氣造化自然之理，二萬餘言，仍以改證世俗謬說，雖不備舉其誤，其意足可明矣。雖未備論諸疾，以此推之，則識病六氣陰陽虛實，幾于備矣。蓋求運氣言象之意，而得其自然神妙之情理，易曰書不盡言，言不盡意，設卦以盡情，偽繫辭焉，以盡其言，變而通之以盡利，鼓之舞之以盡神。老子曰：不出戶，知天下；不窺牖，見天道。其出彌遠，其知彌少。蓋由規矩而取方員也。夫運氣之道者，猶諸此也。嗟夫！僕勉述其文者，非但欲以美於己，而非於人，矜於名，而苟於利也。但貴學者易為曉悟，而行無枉錯耳。如通舉內經運氣要旨論，及醫方精要宣明論者，欲令習者求其備也。其間或未臻其理者，幸以將來君子，以改正焉。但欲同以宣揚古聖之妙道，而普

救後人之生命爾

效嗽論第二十一

河間處士 劉完素守真述
明 新安 吳勉學師古校

論曰。效謂無痰而有聲。肺氣傷而不清也。嗽是無聲而有痰。脾濕動而為痰也。效嗽謂有痰而有聲。蓋因傷於肺。氣動於脾。濕效而為嗽也。脾濕者。秋傷於濕。積於脾也。故內經曰。秋傷於濕。冬必效嗽。大抵素秋之氣宜清。須反動之。氣必上衝而為效。甚則動於脾。濕發而為痰焉。是知脾無留濕。雖傷肺氣而不為痰也。有痰寒少而熱多。故效嗽者。非專主於肺而為病。以肺主皮毛。而司於外。故風寒先能傷之也。內經曰。五臟六腑皆能令人效。非獨肺也。各以其時主之而受病焉。非其時。各傳而與之也。所病不等。寒暑燥濕風火六氣皆令人效。嗽唯濕病痰飲入胃。留之而不行。上入於肺。則為效嗽。假令濕在於心經。謂之熱痰。濕在肺經。謂之風痰。濕在脾經。謂之氣痰。濕在腎經。謂之寒痰。所治不同。宜隨證而治之。若效而無痰者。以辛甘潤其肺。故效嗽者。治痰為先。治痰者。下氣為上。是以南星半夏勝其痰。而效嗽自愈。枳殼陳皮利其氣。而痰自下。痰而能食者。大承氣湯微下之。少利為度。痰而不能食者。厚朴湯治之。夏月嗽而發熱者。謂之熱痰。嗽小柴胡四兩加石膏一兩。知母半兩用之。冬月嗽而發寒。熱謂之寒嗽。小青龍加杏仁服之。然此為大例。更當隨証隨時加減之。量其虛實。此治法之大體也。

蜜煎生薑湯

蜜煎橘皮湯

燒生薑糊桃

此者皆治無痰而嗽者。當以辛甘潤其肺故也。如但用青陳皮藥。皆當去白。本草云。陳皮味辛。理上氣。去痰氣滯塞。青皮味苦。理下氣。二味俱用。散三焦之氣也。故聖濟云。陳皮去痰。穰不除。即生痰。麻黃發汗。節不去而止汗。

治風痰熱咳嗽其脉弦面青四肢滿悶便溺秘溢心多燥怒水煮金花丸

南星 半夏各一兩 天麻 錢 雄黃 錢 白麵 三兩 寒水石 一兩燒

右為細末滴水為丸每服五七十丸至百丸煎漿水沸下藥煮令沸浮為度漉出淡漿水浸另用生薑湯下或通聖加半夏及局方中川芎丸防風丸皆可用也

小黃丸治熱痰效嗽脉洪面赤煩熱心痛唇口乾燥多喜笑宜小黃丸

南星 湯 半夏 洗各一兩 黃芩 半兩

右為細末生薑汁浸蒸餅為桐子大每服五十九至七十九食後薑湯下及小柴胡湯中加半夏亦可白朮丸治痰濕效嗽脉緩面黃肢體沉重嗜卧不收腹脹而食不消宜白朮丸

南星 半夏 俱洗各一兩 白朮 半兩

右為細末糊為丸桐子大每服五七十丸生薑湯下及局方中防己丸亦可用玉粉丸治氣痰效嗽脉溢面白上喘氣促洒浙惡寒愁不樂宜服之

南星 半夏 俱洗各一兩 官桂 去皮一兩

右為細末薄糊為丸如桐子大每服五七十丸生薑湯下食後及局方中防己丸亦可玉粉丸加減在後心下否者加枳實伍錢身熱甚者加黃連五錢體重者加茯苓一兩氣上逆者加苦亭藎

五錢喘促者加人參桔梗各五錢浮腫者加郁李仁杏仁各五錢大便秘者加黃連五錢

雙玉散治痰熱而喘痰湧如泉

寒水石 石膏 各等分

右為細末煎人參湯調下三錢食後服

治痰千縉湯

半夏 生味二兩 大皂角 去皮子半兩剉

服二服効

防風丸治痰嗽胸中氣不清利者。枳朮丸亦妙。

防風餅枳殼兩炒兩白朮兩

右細末燒餅為丸。每服五七十丸。生薑湯下。

天麻丸治風痰。五少者不宜服。

天麻兩半夏兩南星兩雄黃兩

右以白麵二兩。滴水為丸。如桐子大。每服五十丸至百丸。煎淡水令沸。下藥煮十餘沸。漉出。食前

生薑湯下。

利昂丸主胸中不利。痰嗽喘促。利脾胃壅滯。調秘瀉藏。推陳致新。消進飲食。治利昂氣之勝藥也。

木香半錢檳榔半錢人參錢當歸錢藿香半錢大黃酒浸兩焙厚朴薑制兩

枳實炒兩甘草三錢

右為細末。滴水和丸。如桐子大。每服三五十丸。食後諸飲皆下。

欬氣丸治久嗽痰喘。肺氣浮腫。

青皮錢陳皮錢檳榔

澤瀉錢當歸

木香杏仁去皮錢郁李仁錢茯苓錢苦亭三兩人參錢防己各五錢

牽牛取頭末

右為細末。生薑汁麵糊為丸。如梧子大。每服一二十丸。加至五七十丸。生薑湯下。食後服。

玉粉丸治痰結咽喉不利。語音不出。

半夏錢草烏一字桂一字

右同為末生薑汁浸蒸餅為丸如雞頭大每服一丸至夜含化多歲不愈者亦効。

枳殼湯治久痰胸膈不利者多上焦發熱

枳殼麴炒去穢三兩 桔梗兩 黃芩半兩

右同剉每日早用二兩半水三盞煎至二盞勻作三服早時一服中時一服臨卧時一服三日七兩半藥盡服生半夏湯

生半夏湯

半夏不以多少洗七遍切作片子

右每服秤三錢水一盞半入生薑五大片同煎至一盞和滓食後服一日三二服服三日畢再服

枳朮丸盡其痰為度論曰先消胸中氣後去膈上痰再服枳朮丸謂首尾合盡消其氣謂今痰不復作也

復作也

清鎮丸治熱嗽

小柴胡湯內加人參一倍 青黛兩

右為細末麵糊丸如桐子大每服五十丸生薑湯下

半夏丸治因傷風而痰作喘逆兀兀欲吐惡心欲倒已吐加檳榔三錢

半夏洗切兩湯 雄黃研三錢

右同為末生薑汁浸蒸餅為丸桐子大每服三十丸生薑湯下

白朮散治夏暑大熱或醉飲冷痰濕不止膈不利

白朮 茯苓 半夏洗 黃芩各等

右為麤末每服五錢至七錢水二盞入生薑十片煎至一盞去滓調陳皮末一錢神麴末一錢食

後服

法曰大熱大飲蓋酒味熱而引飲冷冷與熱凝於胸中不散而成濕故痰作矣甚者宜吐之吐後服五苓甘露勝濕去痰之劑

白朮湯治痰潮上如湧泉久不可治者

白朮

白茯苓

半夏

右為末每服半兩病大者一兩水二盞生薑七片煎至一盞取清調神麴末二錢頓服之病甚者下玉壺丸一百丸大効永除根

天門冬丸治婦人喘手足煩熱骨蒸寢汗口乾引飲面目浮腫

天門冬

心兩去

麥門冬

去心

生地黃

為膏子

取汁

右二味為末膏子和丸如梧子大每服五十丸煎逍遙散送逍遙散中去甘草加人參或服王氏博濟方中人參荊芥散亦可如面腫不已經曰面腫曰風故宜汗麻黃桂枝可發其汗後服柴胡飲子去大黃故論曰治藏者治其俞治府者治其合浮腫者治其經治俞者治其土也治合者亦治其土也如兵家圍魏救趙之法也

虛損論第二十二

論曰虛損之疾寒熱因虛而感也感寒則損陽陽虛則陰盛自上而下治之宜以辛甘淡過於胃則不可治也感熱則損陰陰虛則陽盛故損自下而上治之宜以苦酸鹹過於脾則不可治也自上而損者一損於肺皮聚而毛落二損損於心血脉虛少不能榮養藏府婦人月水不通三損損於胃飲食不為肌肉自下而損者一損於腎骨痿不能起于床二損損於肝筋緩不能自收持三損損於脾飲食不能消尅論曰心肺損而色蔽腎肝損而形痿穀不能化而脾損感此病者皆損之病也漸漬之深皆虛勞之疾也故四君子湯治肺損而皮聚毛落益氣可也

白朮

人參

黃耆

茯苓

右為竈末每服五六錢七錢水一盞煎至七分去滓食遠溫服

八物湯治心肺虛損皮聚而毛落血脉虛損婦人月水愆期宜益氣和血

白朮

人參

黃耆

茯苓

川芎

熟地黃

當歸

芍藥各等分

右竈末服五七錢水一盞煎至七分去滓食後溫服

十全散治心肺損及胃飲食不為肥膚宜益氣和血調飲食

白朮

人參

黃耆

伏神

桂枝

熟地黃

當歸

芍藥

川芎

甘草

右為末加生薑棗同煎水一大盞藥五錢煎至七分食前日三服

金剛丸治腎損骨痿不能起于床宜益精

草薢

杜仲絲炒去

菟絲子酒浸

免絲子等分

右為細末酒煮猪腰子為丸每服五七十丸空心酒下

牛膝丸治腎肝損骨痿不能起于床筋緩不能收持宜益精緩中

牛膝酒浸

草薢

杜仲絲炒去

菟絲子酒浸

防風

兔絲子酒浸

白茯苓各等分

桂枝半減

右細末酒煮猪腰子搗丸桐子大空心酒下五七十丸

煨腎丸治腎肝損及脾損穀不化宜益精緩中消穀

牛膝酒浸

草薢

杜仲

菟絲子

兔絲子

防風

白茯苓

胡蘆巴

破故紙等分

桂枝

右和劑服餌如金剛丸法腰痛不起者甚効

黑地黃丸加五味子名腎氣丸治陽盛陰虛脾腎不足房室虛損形瘦無力面多青黃而無常色宜此藥養血益腎。

蒼朮

一斤米泔浸

熟地黃

川薑

錢冬一兩夏五錢春七錢

五味子

研

右為細末。棗肉為丸。如梧子大。每服一百丸至二百丸。食前米飲下。或酒。治血虛又痔甚効。經曰腎苦燥。急食辛以潤之。開腠理。致津液。通氣。五味子味酸。故酸以收之。此雖陽盛不燥。熱乃是五藏虛損於內。故可益血收氣也。此藥類象神品藥也。

治陽虛陰盛。心肺不足。宜八味丸。若形體瘦弱無力多困。未知陰陽先損。夏月地黃丸。春秋宜腎氣丸。冬月宜八味丸。

消渴論第二十三

論曰。消渴之疾。三焦受病也。有上消中消腎消。上消者上焦受病。又謂之鬲消病也。多飲水而少食。大便如常。或小便清利。知其燥在上焦也。治宜流濕潤燥。中消者胃也。渴而飲食多。小便黃。經曰熱能消穀。知熱在中。法云宜下之。至不欲飲食。則愈。腎消者病在下焦。初發為膏淋。下如膏油之狀。至病成而面色黧黑。形瘦而耳焦。小便濁而有脂。治法宜養血以肅清。分其清濁而自愈也。法曰燥上而渴。辛甘而祛。用潤肺。故可用蜜煎生薑湯。大器頓之。時時呷之。法云心肺之病。莫厭煩而少飲。內經云補上治宜以緩。又曰幸以潤之。開腠。致津液。通則肺氣下流。故氣下火降而燥衰矣。其渴乃止。又經曰二陽結為消。王注曰二陽結於胃。及大腸俱熱也。腸胃藏熱則善消水穀。甘辛降火之劑。黃連末一斤。生地黃白然汁。白蓮花藕自然汁。牛乳汁各一斤。熬成膏子。黃連末為丸。如梧桐子。每服三十丸。少呷溫水送下。日進十服。渴病立止。

治上焦鬲消而不欲多食。小便清利。宜小柴胡湯。或加白虎湯。或錢氏方中地骨皮散。內加 芍藥 黃耆 石膏 黃芩 桔梗之類是也。

人參石膏湯治高消上焦煩渴不欲多食

人參兩

石膏一兩

知母七錢甘草四錢

右為麤末每服五錢至七錢水煎食後溫服

順氣散治消中熱在胃而能食小便便赤黃微利之為効不可多利服此藥漸漸利之不欲多食則愈

厚朴一兩

薑制大黃

枳實二錢

右剉每服五錢水煎食遠服

茴香散治腎消病下焦初證小便如膏油

茴香炒

苦練炒

右細末酒調二錢食前服

八味丸治腎消大病加減法

本方內倍加山藥外桂附從四時加減假令方內桂附一兩春各用三錢夏用一錢秋用五錢冬

全用一兩

珍珠粉丸治白淫夢泄遺精及滑出而不收

黃柏一斤

於新瓦上燒令通赤為度

真蛤粉一斤

右為細末滴水丸如桐子大每服一百丸空心酒下法曰盛陽乘陽故精泄也黃柏降火蛤粉鹹

而補腎陰也又治思想無窮所願不得之證

竹籠散治消渴

五靈脂

黑豆法皮

右等為細末每服三錢冬瓜湯調下無冬瓜苗葉皆可日二服小渴二三服効渴定不可服熱藥

唯服八味丸去附子加五味子

腫脹論第二十四附小兒

靈樞脹論云帝問岐伯脹形何如岐伯曰夫心脹者煩心氣短卧不安肺脹者虛滿而喘效肝脹者脇下滿而痛引少腹脾脹者善噯四肢煩惋體重不能勝衣卧不安腎脹者引背央央然腰髀痛六府脹胃脹者腹滿胃脘痛鼻聞焦臭妨于食大便難大腸脹者腸鳴痛而濯濯冬日重于寒則飧泄食不化小腸脹者小腹臘滿引腰而痛膀胱脹者少腹氣滿而氣癰三焦脹者氣滿于皮膚中硃硃然而不堅臘脹者脇下痛脹口苦善太息又水脹篇云帝問岐伯水脹何如答曰水始起也目窠上微腫如新卧起之狀其頸脉動數陰股間寒足脛脹腹乃大其水已成矣以手按其腹隨手而起如裹水之狀此其候也帝曰膚脹何如岐伯曰膚者寒氣客于皮中鼓空空然不堅腹身大盡腫皮厚按其腹窅而不起腹色不變此其候也鼓脹何如答曰鼓腹身皆大大與膚脹等也色蒼黃腹筋起此其候也腸覃何如答曰寒氣客于腸外與衛相搏氣不得榮因有所繫癖而內着惡氣乃起瘕肉生其始大也大如雞子稍以益大至其成如懷子狀久者離歲按之則堅推之則移月事不以時下此其候也石瘕何如答曰石瘕生于胞中寒氣客于子門閉塞氣不通惡血當瀉不瀉因以留止日以益大壯如懷子月事不時皆生于女子可導而下帝曰膚脹鼓脹可刺耶曰先瀉其脹之血絡復調其經刺去其血絡也

經云平治權衡去苑陳劉開鬼門潔淨府平治權衡者察脉之浮沉也去苑陳劉者疎滌腸胃也開鬼門潔淨府者發汗利小便也又鼓脹之病治以雞屎醴名醫云其腫有短氣不得卧為心水兩脇痛為肝水大便鴨溏為肺水四肢皆腫為脾水腰痛足冷為腎水口苦咽乾為胆水乍虛乍實為大腸水各隨其經絡分其內外審其脉證而別之大有風水皮水石水黃汗歸各藏以論之風合歸肝皮合歸肺黃汗歸脾石合歸腎風水脉浮必惡風皮水脉亦浮按下没指石水脉沉腹滿不喘黃汗脉沉遲發熱而多涎久而不愈必致癰膿水腫脉浮帶數即是虛寒潛止其間久必沉伏沉伏則陽

虛陰實為水必矣。要知水脉必沉是也。論者脉出者死。與病不相應也。諸唇黑則傷肝。缺盆盈平則傷心。臍出則傷脾。足平則傷腎。背平則傷肺。此五者必不可療也。治法云。腰以上宜發汗。腰以下利小便。錢氏論虛實腹脹實則不因吐瀉。又病之後亦不因下利。脹而喘急悶亂更有痰有熱。及有宿食不化而脹者。宜服大黃丸。白餅子。紫霜丸下之。更詳認大小便如俱不通。先利小便。後利大便。虛則久病吐瀉後其脉微細。肺主目胞。腮虛腫手足冷。當先服壅氣丸。後服異功散。及和中丸。益黃散。溫其氣。因于氣腫者。橘皮煎丸。因于濕為腫。煎防己黃耆湯。調五苓散。因于熱為腫者。服八正散。

又一法。燥熱于肺為腫者。乃絕水之源也。當清肺除燥水自生矣。于破梔湯中加黃芩。如熱在下焦陰消。使氣不得化者。當益陰則陽氣自化也。黃蘗黃連是也。

五脉論五水灸法

青水灸肝井。赤水灸心榮。黃水灸脾俞。白水灸肺經。黑水灸腎八。

婦人蠱脹無脉。燒青丸。五皮散亦是。

論諸蠱脹者。有二。脹若從胃。則旦食而不能夜食。旦則不脹。夜則脹是也。若水腫証濡泄者是也。內經曰。蠱脹之病。治以雞屎醴酒調服。水脹之病。當開鬼門。潔淨府也。

白茯苓湯名變水

白茯苓

澤瀉各二兩

郁李仁錢

右以咀作一服水一椀煎至一半。常服無時。從少至多服。或煎得澄入生薑自然汁在內。和麵或做粥飢作常食。五七日後覺脹下再中。以白朮散。

白朮

澤瀉各二兩

右為細末。每服三錢。煎茯苓湯調下。或丸亦可。服三十九。

末治之藥。服黃耆為藥建中之類。以調養之。平復後忌房室猪魚鹽麵等物。

治水氣蠱脹。潔淨府猪實子丸。

猪實子

一斗水二斗

白丁香半兩

茯苓三兩

右三味為細末。用猪實膏為丸。如桐子大。不計丸數。從少至多。服至小便清利。及腹脹減為度。後服中治藥末治藥。調養藥。疎啓其中。忌甘苦酸補。其下五補七宣。

取穴法

治腫治其經。治金火也。并榮俞經陰經金也。金水水火陽經火也。

治腫水香散

水香

大戟

白牽牛各等

右為細末。每用三錢。猪腰子一對。批開。搽藥在內。燒熟。空心服之。如左則塌左。右則塌右。如水腫不能全去。於腹上塗甘遂末。在遠臍滿腹。少飲甘草水。其腫便去也。

治水腫

螻蛄去頭尾。與葡萄心同研。露七日。曝乾為細末。淡酒調下。暑月濕用尤佳。

又方

棗一斗。鍋內入水。上有四指。用大戟并根苗蓋之。遍盆。合之。煮熟為度。去大戟不用。旋旋喫。無時盡棗決愈神効。

眼目論第二十五

論曰。眼之為病。在府則為表。當除風散熱。在藏則為裏。宜養血安神。暴發者為表而易治。久病者在裏而難愈。除風散熱者。瀉青丸主之。養血安神者。定志丸。婦人熟乾地黃丸是也。或有體肥氣盛。風熱上行。目昏者。槐子散主之。此由胸中氣濁上行也。重則為痰厥。亦能損目。常使胸中氣清。無此